



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 78. Belgarum petitio ad Synodum de edendo decreto adversus Angliæ
Reginam.

[urn:nbn:de:hbz:466:1-66653](https://nbn-resolving.org/urn:nbn:de:hbz:466:1-66653)

opiniones tradidisse accusati fuissent. Sæcul. XVI.
 Tandem existimabat Granvellanus Car- A. C. 1563.
 dinalis eosdem tum propter absentiam
 suam ab ea regione, ubi discordia fer-
 vescebat, tum propter communicatio-
 nem cum viris doctis, & auctorita-
 te præditis, quibuscum in Conci-
 lio conferre possent, fore, ut reduci
 valerent ad veritatis semitam, necnon ad
 doctrinam magis sanam, magisque or-
 thodoxam, ac erat illa, quam hucus-
 que tradidisse accusabantur: eapropter
 idem Cardinalis illos tanquam Hispa-
 niæ Regis Theologos deputari permi-
 sit, unde Tridentum unacum Episcopis
 supra memoratis profecti, ibidem vige-
 sima, aut vigesima prima Mensis Junii
 advenerunt: Granvellanus quoque in eo-
 rum favorem ad summum Pontificem
 perscripsit, rogavitque, ut Papa suis Le-
 gatis præciperet, quatenus illos perbe-
 nigne exciperent, eosque mitius habe-
 rent, ut illos eo facilius ad saniora
 revocare possent, præcipue cum aliunde
 doctrina præstantes haud exiguam
 animi demissionem præferrent.

§. LXXVIII.

*Belgarum petitio ad Synodum de
 edendo decreto adversus Anglicæ
 Reginam.*

X 3

Horum

Sæcul. XVI.
A. C. 1563.

*Litt. Legat.
ad Borr.*

8. Julii apud
Pallav. c. 7.

n. 4 & 5.
Raynald.

hoc ann. n.

114. & 115.

Litt. Borr.

ad Legat. 6.

& 10. Jul.

& Legat.

12. Jul.

Horum Præfulum, ac Theologorum Belgarum adventus Synodi Patres induxerat, ut quoddam decretum contra Elisabetham Angliæ Reginam promulgare, ac declarare decernerent, quod Episcopi ab ea electi non essent legitimi, simulque eadem foret schismatica, ac hæretica: Verum Cæsaris Oratores hoc Patrum consilium edocti Legatis ea, quæ jam antea Delphinus Nuntius tam ad eos, quam ad summum Pontificem perscripserat, objiciebant, dicentes, quod Elisabetha, si tam indigne haberetur, abs dubio irritata suum furorem in paucos illos Præfules, qui adhuc in Anglia supersunt, effusura, atque in majorem rabiem proruptura esset: præsertim cum Protestantes Germaniæ Principes parem damnationem sibi præfagientes facile ad præcavendam ejusmodi injuriam concurrerent, omnesque suos conatus adversus fidem Catholicam adhiberent, ut proin omnino necessarium videatur, nullum ejusmodi decretum condere. Legati, qui rem Lotharingio Cardinali, atque Oratoribus Ecclesiasticis communicabant, atque unanimi suffragio literas desuper ad Papam, & Cæsarem dare decernebant, responderunt, se sine utriusque consensu nihil moturos: Verum sub idem tempus Roma rescriptum, ne Patres hac

Sæcul. XVI.
A.C. 1563.

in re quicquam aggredierentur; sed Cæsari nuntiarent, quod in animo Pontificis prudentia, auctoritasque consilii, quod Cæsar dedisset, prævaluisset consiliis plurimorum oppositum suadentium. Evolutis postea aliquot diebus Granvellani Cardinalis literæ afferebantur, quibus Legati fuere admoniti, ne quid in Elisabetham moveretur, cum id non minus hujus Cardinalis, quam speciatim Hispaniæ Regis sententia esset.

§. LXXIX.

Rursus de caussa Toletani Archiepiscopi in Hispaniæ Inquisitione capti.

Pallav. l. 21.
c. 7. n. 7.

Detinebatur in custodia multos jam annos a sacro Inquisitionis Hispanicæ tribunali Bartholomæus Caranza, qui ex Dominicana Familia Toletanus Archiepiscopus, Primas in illis Philippi II. Regnis, & unus erat e summis Christianæ Reipublicæ Præsulibus: porro Patres Concilii existimabant, per hoc, quod hic Præsul eximius sub alio, quam Pontificis tribunali captus detineretur, universum ipsorum ordinem Episcopalem vilescere, hinc sæpius conquesti sunt apud Præsides, qui per hujusmodi exostulationem pressi ineunte Aprili ea de re jam tertio scripserunt

X 4 Ro-